

中興禮書

中興禮書第七十八卷

吉禮七十八

明堂儀注一

紹興元年七月二十九日太常寺言勘會自來明堂大禮依儀前一日于明堂門外省牲告潔又于明堂門之東立班省饌今來明堂大禮欲乞于常御殿門外省牲告潔次入詣常御殿下立班省饌所有明堂大禮畢端誠稱賀緣皇帝未御正殿欲乞權罷詔依

四年七月十年禮畢稱賀

並降旨權罷

九月七日太常寺言勘會明堂大禮已降指揮差五使所有已申請儀注內合添入大禮使升降後從皇帝行禮并修定左僕射立班等處並依大禮使在左僕射之

上詔依

九月九日閤門言奏請皇帝致齋儀注內殿上殿下升降並合鳴鞭

九月十七日閤門奉聖旨三省樞密宗室節度使郡王已上入閤門問聖體如儀

紹興四年八月二十八日太常寺閤門言契勘紹興元年明堂大禮奏請宿齋并行禮儀注奉聖旨令太常寺閤門擬定所有將來明堂大禮奏請宿齋并行禮儀注欲依紹興元年例太常寺同閤門預行擬定詔依

九月八日閤門言將來大禮修到儀注內行禮畢歸大次解嚴更依訖皇帝乘輦還內祇應官更不奏萬福如質明皇帝還宮時太次前管軍閤門官已下內侍都知

御帶已下禁衛班直等並合奏萬福今來行禮畢大次更衣還內時刻取聖旨詔行禮訖歸大次更衣不候質明還內

紹興七年四月九日禮部言太常少卿吳表臣奏祖宗以來每遇大禮依舊制前二日朝獻景靈宮前一日朝饗太廟渡江以後皆迎奉他州今來宗廟已迎奉赴行在奉安合前一日車駕親詣太廟行禮外所有前二日景靈宮朝獻聖祖乞就常御殿設位行禮詔依

詳具議門

七月十四日禮部太常寺言昨建炎二年大禮前一日朝饗太廟行禮除宰執使相并非侍祠文武臣僚合從駕外差充侍祠行事執事陪祠文武官及宗室並先赴太廟樞星門外常服迎駕赴居訖趨赴行事陪祠立俟

行禮畢退赴宿齋內係合從駕文武臣僚行禮畢從駕
還內訖各赴宿齋所有今來明堂大禮前一日朝饗太
廟其往回從駕宰執文武臣僚欲乞依上件禮例詔依
八月二十八日太常博士孫邦言已修定儀注數內明
堂行禮日皇帝行禮畢歸大次禮部部中奏解嚴訖皇
帝還內係奏事殿步入今來大次移于幕帳門外合別
行修定還內儀注欲俟皇帝歸大次禮部郎中奏解嚴
訖次有司進與于大次前次引禮部侍郎奏請中嚴少
頃又奏外辦皇帝服通天冠絳紗袍乘輿由幕帳門入
內東門外宮門至奏事殿降輿還內禮部郎中奏解嚴
訖次宣勞將士如儀詔依

九月五日禮部太常寺言勘會紹興四年明堂大禮降

指揮行禮日若值雨降俟望瘳訖皇帝還大次就大次
前奏禮畢所有詣景靈宮常御殿并明堂大禮若值雨
降其返處望燎并望瘳褥位並乞依紹興四年禮例于
露屋下鋪設其禮儀使並乞于大次前奏禮畢詔依
九月十七日兼權太常寺少卿馮楫等言勘已降指揮
行禮儀注內前二日朝獻景靈宮行禮畢還大次禮部
郎中奏解嚴俟皇帝服通天冠絳紗袍將出大次禮部
郎中奏中嚴外辦畢皇帝乘輿至齋室又引禮部郎中
奏解嚴緣是日係皇帝致齋日其諸班禁衛亦宿衛之
日所有齋室再奏解嚴一節乞依太廟行禮畢還齋室
禮例更不奏解嚴詔依

紹興十年閏六月二十八日禮部太常寺言勘會今來

明堂大禮并前二日朝獻景靈宮前一日朝饗太廟依
已降指揮添用宮架依儀設宮架于庭中前導皇帝入
門行禮並不經由宮架如景靈宮由天興殿東門太廟
由東神門圓壇由東墻門明堂由總章門今來太廟行
禮別無相妨外又緣將來明堂大禮并景靈宮行禮日
依昨來明堂大禮體例合入行禮殿南門其南門裏已
設宮架兼見今行禮殿亦無東門今欲乞將來景靈宮
并明堂行禮日前導皇帝入行禮殿南門由宮架東升
自阼階至版位詔依

九月四日詔將來詣明堂行禮并朝獻景靈宮并于明
堂正門西降輦步至大次

紹興三十一年八月一日禮部太常寺言依近降指揮

將來秋季大饗明堂近以孝慈淵聖皇帝升遐前期朝
獻景靈宮朝饗太廟皆當遣大臣攝事主上惟親行大
饗之禮所有儀仗供張宿頓之屬有司更不排辦所有
明堂大禮行禮儀注并朝獻景靈宮朝饗太廟遣官攝
事行禮儀注並乞從太常寺修定申請施行詔依

八月十五日禮部太常寺言參酌合行申請下頃一
將來明堂大禮皇帝合自齋殿乘輿入新置便門至行
禮殿門稍西降輿步至大次竊慮至時不測值雨欲乞
自齋殿施雨具至新置便門上降輿步由西廊并行禮
殿門入大次東門更衣以俟行禮一將來明堂大禮
竊慮至時不測值雨今欲乞禮儀使于大次東門西向
奏請訖皇帝由大次東門向西入行禮殿中門沿廊向

東由東廊向北升殿東側階至版位行禮詔依

九月二十五日禮部太常寺言准都省批送下太常少卿王晉劄子竊惟明堂大禮檢照皇祐明帛堂記禮儀使與太常寺卿贊導皇帝行事舊來大禮並係對引今初差贊導太常卿一員乃是贊導皇帝又初差太常博士二員引禮儀使一員引太常寺卿亦合相對行立前次郊祀太常寺卿不與禮儀使對引乃有司之誤欲乞依典故施行後批送禮部太常寺檢照典故看詳申尚書省謹按開寶通禮冬至祀圓邱季秋大饗明堂皆博士引太常卿太常卿引皇帝皇祐明堂記大饗儀注博士引禮儀使太常卿立于大次之前凡禮儀使太常卿前導皆博士二員

前引禮儀使在太常卿在右

禮儀使前跪奏臣某贊導皇帝行事

俛伏興與太常卿前導皇帝至版位西向立

每立太常儀

卿與侍士分

又大饗行事官禮儀使一員贊導皇帝行

事太常卿二員一員贊導皇帝行事一員押樂紹興十

年以來明堂大禮並係禮直官二員太常博士二員并

禮儀使太常卿分左右贊引又樞密院官官二員并禮

在禮直官之前問門官二員在樞密院之前近年郊祀

有司却引樞密都承旨一員與禮儀使對立即是太常

卿引都承旨而都承旨無專受贊導勅命其所立立班

次自合改正今來明堂大禮今看詳欲乞依皇祐典故

并紹興十年以前禮例施行詔依

淳熙六年四月七日禮部太常寺奏檢照皇明堂行禮

儀注陳設置燎壇于明堂廷之東南隅望燎送神樂止

皇帝拜畢禮儀使奏請就望燎位前導就位南向立舉
燿火奉禮曰可燎東西各六人以炬火燎半柴禮儀使
跪請奏稱具官臣某言禮畢前導皇帝還大次所有今
來明堂大禮所設燎壇及奏請就望燎位欲乞依上件
典禮仍乞候今降指揮下日令太常寺于行禮儀注內
修定詔依逐次明堂大禮開端坎于行禮殿之西北至
是用皇祐大享典故止設燎壇地祇冊幣等

並從
燈去

五月六日禮部太常寺言今條具下項 一契會將來
明堂大禮前二日朝獻景靈宮前一日朝饗太廟行禮
並依得昨淳熙三年體例其儀注乞從太常寺照應關
報所屬外所有明堂行禮儀注乞從太常寺修定申請
施行 一行禮畢皇帝御紫宸殿受賀次登門肆赦所

有稱賀肆赦立班儀注欲乞從御史臺閤門太常寺同
共修定申請施行詔依 五月十五日禮部言臨安府
申乾道六年應辦郊祀大禮奉旨令用銜前樂人依紹
興二十八年已前體例作樂導引乾導九年淳熙三年
郊祀大禮亦依乾道六年郊祀應辦了當今歲係明堂
大禮所有導引節次合取自朝廷指揮批送部勘當申
尚書省禮部送太常寺勘當昨紹興元年至十年明堂
大禮並未曾用樂即無作樂節次所有今來明堂大禮
行禮畢作樂今參照典禮開具下項 一明堂大禮行
禮畢皇帝還大易靴袍樂人于殿門外奏樂皇帝出大
次乘平輦樂人作樂導駕至文德殿門皇帝入殿門降
輦樂止 一紫宸殿稱賀禮畢至質明後皇帝于文德

殿乘輦樂人于後殿門外奏樂皇帝乘輦出殿門樂人
作樂導駕至南宮門外俟升麗正門入幄樂止 一麗
正門肆赦畢皇帝乘輦降門樂人于南宮門裏奏樂導
駕至文德殿俟皇帝降輦樂止 一所有鼓吹合于麗
正門外排立其傳呼振作節次欲乞依皇祐明堂典故
皇祐大享明堂記明堂行禮畢皇帝憩大次少頃常服
降小第出大次自內傳呼出外馳道左右諸營索隊樂
及鼓吹一時振作由東上間門至紫宸殿鉤索樂諸
導還至文德殿入門由東上間門至紫宸殿鉤索樂諸
營鼓吹皆止紫宸殿祔賀畢退三刻頃皇帝常服小第
以出鉤索樂自文德殿祔賀畢退三刻頃皇帝常服小第
內仍自內傳呼出外馳道左右諸營索隊樂諸
一時振作俟皇帝降輦樂止以俟登門肆赦訖依
六月二十一日儀鸞司言今來明堂大禮已降指揮前
一日朝饗太廟行禮畢皇帝于太廟櫺星門外乘玉輅
經由皇城東路入麗正門正南宮門外降輅乘輿至文

德殿上降輿歸齋殿本司即未審合與不合于南宮門外絞縛排辦帳次尋申太常寺契勘逐次郊祀大禮南宮門外所有設帳次係郊祀行禮畢車駕自端誠殿服通天冠絳紗袍乘大輦詣南宮門內降輦入帳更服靴袍乘輿登麗正門肆赦所有今來明堂大禮前一日皇帝于太廟行禮畢服通天冠絳紗袍乘玉輅入麗正門至南宮門外降輅乘輿至文德殿上降輿歸齋殿及紫宸殿稱賀畢皇帝自文德殿服靴袍乘輦升麗正門肆赦畢乘輦還祥曦殿降輦于前項指揮其南宮門外即不更衣設帳本司遂具奏聞詔依逐郊大禮于南宮門外絞大次一座令儀司鸞同太常寺車輅院人指引絞縛

七月二十四日禮部太常寺言據儀鸞司中車輅院指
定今將輜次比之逐郊地步移向東二丈及將輜次前
幕帳門減入一丈將來玉輅掉圓打正奏請皇帝降輅
乘輿妥的即無妨礙今欲依儀鸞司車輅院指引到大
次地步外契勘得來今所設大次于己降儀注指揮內
有合申請事件今檢照參酌條具下項 一六月九日
己降儀注前祀一日皇帝詣太廟朝饗畢皇帝服通天
冠絳紗袍乘玉輅將及麗正門少駐皇太子并文武侍
臣皆下馬導駕官步導入門至南宮外回輅南向侍中
奏請皇帝降輅乘輿有司進輿于輅後皇帝降輅乘輿
入文德齋殿導駕步導至殿門皇帝降輿歸後閣簾降
宣贊舍人承旨勅群官各還次 一勘會將來皇帝于

太廟朝饗畢乘玉輅至麗正門內南宮門外如降輅乘
輿入大次今將已降儀注參酌欲乞俟車駕將及麗正
門少駐皇太子文武侍臣皆下馬導駕官步導入門至
南宮門內外隨地之宜少立以俟車駕入麗正門回輅
南向侍中奏請皇帝降輅乘輿有司進輿于輅後如步
次臨旨皇帝降輅乘輿入大次少頃侍中詣大次前奏
請皇帝乘輿有司進與皇帝自大次乘輿導駕官步導
至文德殿門皇帝入文德殿降輿歸殿後宣贊舍人承
旨勅群官各還次如至時不入大次欲乞依六月九日
已降儀注詔依

八月四日閣門言今月三日奉聖旨將來明堂大禮行
禮畢紫宸殿稱賀等節次今檢照元豐大觀禮例修立

儀注八月十九日御史臺閤門太常寺言已降指揮明
堂行禮畢皇帝御史紫宸殿受賀次登門肆赦立班儀
注從御史臺閤門太常寺同共修定申請今同共此附
元豐大觀年禮創修立到儀注詔依

九月三日閤門言明堂大禮紫宸殿稱賀依儀太史局
奏祥瑞詔依已降指揮免奏祥瑞

九年
仿此

中興禮書第七十九卷

吉禮七十九

明堂儀注二

朝獻景靈宮

紹興三十一年明堂禮前二日遣官攝事

陳設

前朝獻三日儀鸞司設行事執事官次于景靈宮之內外又設饌慢于殿門外隨地之宜

前二日太社令帥其屬掃除宮之內外太常設燎爐于殿門之外又設登歌之樂于殿上前楹間稍南北向設宮架于殿門外隨地之宜立舞表于鄭級之間設望燎位于殿門上初獻亞獻終獻在北南向監察御史在東西向戶部禮部尚書太常光祿卿讀冊舉冊官太常光

祿丞奉禮協律郎太官令在西東向北上朝獻日贊者
設初獻亞獻終獻位于阼階之東稍南西向戶部禮部
尚書光祿卿讀冊舉冊官光祿丞于其南稍光祿丞執
事官位又于其後監察御史位于殿上之西東向又設
協律郎二一于殿上磬虞之西北一于宮架西北俱東
向太常丞于東樓鐘虞之北太常卿于宮架之北奉禮
部太社令于殿上之東西向北上太官令于酌尊所俱
北向

前朝獻一日設告潔位于殿門之外初獻亞獻終獻于
道西東向戶部禮部尚書太常光祿卿讀冊舉冊官太
常光祿丞奉禮協律郎太社太官令位于道東西向北
上太常丞以監察御史位于戶部尚書之右異時稍却

太常丞以

下位稍却

有司陳禮饌于殿門內在北南向太常設省饌位版于
禮饌之南初獻亞獻終獻位在南北向西上監察御史
位在西東向戶部禮部尚書太常光祿卿讀冊舉冊官
太常光祿丞奉禮協律郎太社太官令在東西向北上
禮部設祝冊案于殿上之西太常設玉幣篚于聖像前
次設蓮豆簋簋之位于聖像之前左十有一豆俱為三
行俎一在蓮前簋一簋一在蓮豆外簋在左簋在右又
設尊罍之位著尊壺尊各二皆有罍加勺幕為酌尊太
尊山尊犧尊象尊各二皆有罍加幕設而不酌並在殿
上稍南北向西上又設蓮豆簋簋俎各一于饌幔內又
設盥洗爵洗于東階下盥洗在東爵洗在西罍在洗東加勺篚在
西南肆實以巾右爵洗之篚則執罍篚者各位于其後

朝獻日行事前太常入陳禮神之玉及幣置于聖像前

玉卮以四
光祿卿其屬入實籩豆簠簋
右還為三
上以第

冬一
次行
之形
第三
行前
後梨
在秧
前二
次之
第一
次行
之種
豆實
三行
以前
以雞
左種
為乾

上筋一行
前次之第
三行能食
在前爪
蓋醬次之

太官令卧其屈入實姪實以乳餅又實尊墨

酒一實溫齊亞然飲酌之太尊二一實泛齊一實醴齊
山尊二一實溫齊一實醴齊

各視一有司設申印設靈獎及共奉之物如帝義太帝設

其導有言詩社徵願社金及仕女之甥女常伯元寧詩

如苦累之泣義醫司設冊幄于殿門外各隨地之宜

省溪

省饌

前朝饗一日質明大社令帥其屬掃除宮之內外訖執

事者以祭器入設于位

凡設祭器皆以席入陳玉幣

于篚

古潔畢

少頃禮直官贊揖訖次引太常卿入行樂

架次引監察御史入升自西階

凡行事執事官升降皆自西階

執事者舉幕曰潔俱退復位禮直官稍前曰告潔畢請

詣省饌位揖訖引初獻以下行事執事官各就位立定

禮直官贊揖所司省饌具畢禮直官贊省饌畢揖訖俱

還齋所次引監察御史視祭器次詣厨省鼎鑊

盥濯

協律郎展視樂器乃還齋所晡後太社令帥其屬掃除

宮之内外學士院以祝冊授通進司進御史訖降付尚

書禮部

奉玉幣

朝獻日未行事前行事執事官各服禮部奠冊于案太

常官入陳玉幣于篚光祿卿入實籩豆簠簋太官令入
實俎及羹臠次引光祿卿入詣殿下席位北向立贊者
曰拜光祿卿再拜訖升殿照視饌禮畢退還齋所次引
監察御史升殿照閱糾察不如儀者退次禮直官贊者
分引初獻以下行事執事官詣殿門外揖位立禮直官
贊揖訖次引太常卿丞協律郎次引監察御史讀冊舉
冊官奉禮郎太社太官令入詣殿下席位北向立次引
初獻以下行事執事官詣殿下席位立定禮直官贊有
司謹具請行事樂備而不作贊者曰再拜在位官皆再
拜次引太常卿丞協律郎各就位立定次引監察御史
讀冊舉冊官奉禮郎太祝太社太官令升自西階凡行
事官升階各就位立定次引初獻詣盥洗位北向立揖

笏盥手悅手執笏升殿詣聖祖座前北向搢笏跪奉禮
郎西向搢笏跪執事者以玉幣授奉禮郎奉禮郎以玉
幣授初獻訖執笏興初獻初獻受玉幣奠訖執笏俛伏
興再拜降階復位立

薦饌

朝獻日太官令以饌實于俎及籩豆簠簋陳于饌慢內

東西相向

以俎實以乳餅籩實以粱簠實以粢豆實以棗

俟初獻奉玉

幣訖次引禮部尚書詣饌所執籩簠豆簠以入戶部尚
書詣所奉俎以入設于西階下北向北上奉俎者在南
次引禮部尚書搢笏執籩豆簠簠戶部尚書搢笏捧俎
以升執事者各迎于階上禮部尚書奉籩豆簠簠于聖
聖像前北向跪奠啟蓋于下執笏俛伏興有司設籩于

稊餌前豆于醬前簋于稻前簋于黍前戶部尚書奉俎
于聖像前北向跪奠訖執笏俛伏興有司設于豆前俱
降復位次引初獻詣盥洗位北向立搢笏盥手悅手執
笏詣爵洗位北向立搢笏洗爵拭爵以爵授執事者執
笏升詣酌尊所東向立執事者以爵授初獻初獻搢笏
跪執爵執尊者舉幕太官合酌著尊之醴齋初獻以爵
授執事者執笏興詣聖祖座前北向搢笏跪執事者以
爵授初獻初獻執爵三進酒訖執笏俛伏興少立舉冊
官搢笏跪舉祝冊讀冊官搢笏東向跪讀祝文讀訖奠
冊各執笏興俱降復位初獻再拜降復位次引亞獻詣
盥洗位北向立搢笏盥手悅手執笏詣洗爵位北向立
搢笏洗爵拭爵以爵授執事者執笏升詣酌尊所東向

立執事者以爵授亞獻亞獻指笏跪執爵執爵者舉幕
太官令酌壺尊之盞齊亞獻以爵授執事者執笏興諸
聖祖座前北向指笏跪執事者以爵授亞獻亞獻執爵
三進酒執笏伏興再拜訖降復位初亞獻行禮將畢
次引終獻詣洗及升殿酌獻並如亞獻之儀訖降復位
引禮部戶部尚書詣聖像前禮部尚書徹筵豆戶部尚
書徹俎通豆俎各一禮部戶部尚書降復位禮直官曰
賜福酒贊者承傳曰賜福酒再拜在位官皆再拜

望燎

初賜福再拜訖禮直官引初獻以下之行事官詣望燎
位執事者執篚詣聖祖座前取幣祝冊以俎載稷黍飯
及爵酒降階置于柴上禮直官曰可燎東西各以炬燎

半柴次引初獻以下行事執事官詣殿門外揖位立禮
直官贊禮畢揖訖退次引諸神御殿分獻官及太祝各
入就位太祝在南北向分獻官在東西向神御殿獻官
太祝俱常服
贊者曰再拜在位官皆再拜太祝升詣香案之西東向
立次引分獻官升詣香案前北向立播笏三上香跪執
琖奠茶三奠酒執笏俛伏興少立太祝跪讀祝文內元
天大
聖后聖像前通司以讀訖以興舉青詞祝版置于案降
進茶酒太祝讀青詞
復位分獻官再拜訖降復位

中興禮書第八十卷

吉禮八十

明堂儀注

朝饗太廟

始興三十一年明堂大禮前一日遣官攝事

陳設

前朝饗三日儀鸞司設行事執事官次于廟之内外設

饌慢于南神門外

每室饌慢各一

又設七祀次一于殿下橫

街之北道西東向又設配饗功臣次于殿下橫街之南

東西相向

每室配饗功臣各為一次

前饗二日宮闈令帥其屬掃除廟之内外開墜坎于殿

西階之東南方深取足容物南出陞太常設七祀燎柴

于南神門外光祿牽牲詣祠所太常陳登歌之樂于殿

上前楹間稍南北向設宮架于庭中立舞表于節綴之間戶部陳諸州歲貢于宮架之南神門外隨地之宜東西相向

前饗一日太常設祭器

凡設祭器皆以席運豆盞豆又加巾豆

以俟告潔

既畢次陳牲于東神門外當門西向以南為上祝史各

位于牲後設省牲位于牲西三獻官在道南北向七祀

配饗功臣獻官在其後禮部戶部兵部工部尚書太祝

光祿卿讀冊舉冊官太常光祿丞奉禮協律郎太祝太

官宮闈令位于道北南向西上薦香燈官捧俎官在其

後

太常丞以下位皆稍却

監察御史位在戶部尚書之右

其位却太

常設禮饌于東神門外道南北向設省饌位版于禮饌之南三獻官在南北向西上七祀配饗功臣獻官在其

後監察御史在西東向禮部戶部兵部工部尚書太常
光祿卿讀冊舉冊官太常光祿丞奉禮協律郎太祝太
官宮闈令在東西向北上薦香燈官捧俎官在其後禮
部帥其屬設祝冊案于室戶外之右太常設幣篚于每
室神位前次設遵豆簠簋之位每室左二十有五遵右
二十有五豆俱為四行俎三二在遵前一在豆前又設
俎六在右為三重登一在遵豆間鉶三皆有栖在登之
前簠七簋七在遵豆外三俎間簠在左簋在右設爐炭
于室戶外蕭蒿黍稷于其又設毛血饌肝膋于豆于室
戶外之左稍前設尊彝之位每室滎彝一黃彝一皆有
舟著尊二皆有罍加勺罍為酌尊太尊二山尊二犧尊
二象尊二皆有罍加罍設而不酌俱北向西上太常設

設于左右執事匪者位于其後

饗日丑前五刻太廟宮闈今開室帥其屬整拂神帳如

常儀太常入設祭器次陳幣于篚幣以光祿卿帥其屬

入實籩豆簠簋籩豆簠簋二行四行以右為上第一行光祿卿帥其屬

之第三行乾豆乾豆在前光祿卿帥其屬

第四行為上第一行配食在右光祿卿帥其屬

以左為上第一行配食在右光祿卿帥其屬

本為上第一行配食在右光祿卿帥其屬

在為上第一行配食在右光祿卿帥其屬

四為上第一行配食在右光祿卿帥其屬

次為上第一行配食在右光祿卿帥其屬

在為上第一行配食在右光祿卿帥其屬

其屬入實俎牛腥前之俎為二重以北上第一重實以

端兩肩兩脅次之脊在右第二重以北上第一重實以

如牛三豆以前之俎為上第一重第二重以北上第一重實以

重一實以北上第一重第二重以北上第一重實以

三胃三又次之一實以羊腥以牛腥

反腥膚九橫我第三重以羊腥

然勝胃肺一實以承熱勝胃肺如脛
皆牛在左羊在左中承熱在右太官令帥其屬入

實葵及尊岳年葵實以明水黃葵實以鬱鬯

終實
獻醴
酌齊
之初
太獻
尊酌
二之
一盞
實尊
泛二
齊一
一實
實元
醴酒
齊一
山實
尊盞
二齊
一亞
實獻
盞亞

齊一齊清酒一齊提齊提尊二一齊沉齊一齊事酒衣尊二
一實皆酒一實清酒皆提而一實酌凡要之實各皆視其

又設七祀及配饗功臣位禮饌鹿脯鹿脯
次左二右二豆案在前

蕙在前鹿麋次之祖實以羊豕醢肉置太常設燭于神

位前設三獻官席位于殿下東階之東南西向南上七

祀配饗功臣獻官位于終獻之後禮部戶部兵部工部

尚書讀冊官舉冊官于其南西向北上監察御史席位

于殿庭之南北向奉壘即太祝太官令立其後光祿卿

立監系印之東北向又設監系御史立于殿

席位于監審衙門之東門外元宮監審衙門之西門外

前楹西面東向奉禮部太祝官闌今在東西北向上楹

律即位二一于殿上磬虞之西北一于宮架之西北俱
東向太常丞于登歌鐘虞之北太常卿于宮架之北太
官令于酌尊所俱北向設行事執事官揖位于東神門
外如省牲之位設望瘞次之南如省饌之位儀鸞司設
冊帷于南神門外隨地之宜前饗一日學士院以祝冊
授通進司進御書訖降付尚書禮部

省牲器

省牲器之日未後二刻宮闈令帥其屬掃除廟之內外
執事者以祭器入設于位凡設祭器皆藉以席入陳幣
于篚告潔畢未後三刻禮直官贊者分引初獻以下並
服常服詣東神門外省牲位光祿卿丞與執事者牽牲
就位禮直官贊揖次引太常卿入行樂架次引監察御

史入升自西階眡滌濯

凡行事執事者皆舉畢升階皆自西階

曰潔退復位禮直官稍前曰告潔畢請省牲次引光祿卿出班巡牲一匝西向躬曰充曰備次引光祿丞出班巡省一匝西向躬曰脯俱復位奉禮郎稍前曰省牲畢請就省饌位揖訖引初獻以下各就位立定禮直官贊揖有司省饌具畢禮直官贊省饌畢揖訖俱還齋所光祿卿丞及執事者以次牽牲詣厨授太官令次引監察御史詣厨省鼎鑊視濯漑協律郎展視樂器乃還齋所脯後一刻太官令帥宰人以鶩刀割牲祝史各取毛血實于槃又取肝膋實于登俱置饌所遂烹牲宮闈令帥其屬掃除廟之内外

晨課

饗日丑前五刻行一事州祠祭官引宮闈令入詣殿庭

北向立祠祭官曰再拜宮闈令再拜訖升殿開室整拂

神帷帥其屬掃除退復執事位次引薦香燈官入詣殿

庭北向立祠祭官曰再拜薦香燈官再拜升殿各就執

事位禮部奠冊于案太常入陳幣光祿卿入實運豆簋

簋太官令入實俎及羹尊壘與執尊壘篚罍者各就位

執事官各入就位次引光祿卿入詣殿庭席位北向立

贊者曰再拜光祿卿再拜升殿西階凡行事執事官點

視禮饌畢次引監察御史升殿點閱陳設糾察不如儀

者凡點視及點閱皆先光祿卿還齋所餘官各服祭服

次引行事官詣東神門外揖位立定禮直官贊揖次引

太常卿丞協律郎次引監察御史奉禮郎太祝太官令

入就殿下席位北向立次引初獻禮部戶部工部尚書

亞終獻讀冊舉冊官七祀配饗功臣獻官入就殿下席

位西向立祠祭官于殿上贊奉神主次引薦香燈官入

室播笏于祔室內奉帝神主設于座奉神主詣神帷內

坐以白羅中覆之執笏退復執事位次引官闌令奉后神主如

上儀覆以青羅中退復執事位祠祭官于殿上贊奉神主

訖禮直官稍前贊有司謹具請行事樂備而不作贊者

曰再拜在位官皆再拜訖次引監察御史太常卿丞奉

禮協律郎太祝太官令各就位立定太官令就禮祖室前尊爓所次

引初獻詣盥洗位北向立播笏盥手帨手執笏詣爵洗

位北向立播笏洗瓚拭瓚以瓚授執事者執笏升殿詣

倍祖室尊爓所西向立執事者以瓚授初獻播笏執瓚

執奠者舉畢太官令酌鬯訖先詣翼祖室尊羹所北
向立初獻以瓚受執事者執笏詣祖室神位前北向
立搢笏跪次引奉禮郎搢笏兩面向跪執事者跪以瓚授
奉禮郎奉禮郎奉瓚授初獻執瓚以鬯裸地奠瓚執事
者奉瓚以興次執事者以幣授奉禮部奉禮郎奉幣以
授初獻執笏興先詣翼祖室神位前西向立初獻授幣
奠訖執笏俛伏興出戶外北向再拜次詣翼祖室宣
祖室 太祖室 太宗室 真宗室 仁宗室 英宗
室 神宗室 哲宗室 徽宗室 別廟懿節皇后室
裸鬯奠幣並如上儀俱復位既晨裸薦香燈官取毛血
槃奠于神座前太官令取肝以鬯刀割之洗于鬯鬯貫
之以鬯燎于爐炭薦香燈官以肝管入詔神于室又出

以墜祭于室戶之外左三祭于茅俱降詣盥洗位搢笏
盥手悅手執笏升復執事位

饋食

饗日有司設鼎三十有三于神厨各在鑊右太官令帥

進饌者詣厨以匕升牛于鑊實于一鼎脊一胛肱肱正

代脊一胛肱肱正次升羊如牛升豕如羊各實于一

鼎各一室皆設局幕祝史對舉入設于每室饌幔內東

西相向以北為上太常實通豆簋簋于每室饌幔內通

豆一簋以梁豆實以稌食俟初獻既晨裸入陳于西階下俎

各設于鼎右匕畢加于鼎太官令以匕畢升牛載于一

俎在下端脊肱在上端肱次升羊如牛升豕如羊各載于

一俎每室一俎次引禮部尚書詣西階下搢笏執豆

簋簋戶部兵部工部尚書詣西階下指笏奉俎以升

牛工部奉禮部尚書奉籩豆簋簋詣僖祖室神位前

跪奠啟蓋于下執笏俛伏興有司設籩于糗餌前豆于

醢食前簋于稻前簋于黍前次引戶部兵部工部尚書

奉牛羊豕俎詣僖祖神位前北向跪奠先薦牛次之羊

次豕各執笏俛伏興有司入設牛羊豕俎于腸胃膚之

前牛在左羊在右次詣每室奉奠並如上儀禮部戶部尚

書降復位次引兵部工部尚書詣別廟奉奠並如上儀

俱降復位四神俎官降東初奠俎訖次引薦香燈官取

蕭合黍稷搯于脂燎于爐炭又當饋熟之時薦香燈官

取菹搗于醢祭于豆間三又取黍稷肺祭如初俱藉以

茅退復執事位次引太祝詣別廟並如薦香燈之儀次

引初獻再詣盥洗位北向立搢笏盥手悅手執笏詣爵
洗位北向立搢笏洗爵拭爵以授執事者執笏升殿詣
僖祖室酌尊所西向立執事者以爵授初獻初獻搢笏
跪執爵執尊者舉罍太官今酌尊之醴齊訖先詣翼祖
室酌尊所北向立初獻以爵授執事者執笏興入詣僖
祖室神位前北向立搢笏跪執事者以爵授初獻初獻
執爵祭酒三祭于茅菹奠爵執笏俛伏興出戶外北向
少立次舉冊官搢笏跪舉祝冊讀冊官搢笏東向跪讀
冊文讀訖奠冊各執笏興先詣翼祖室戶外東向立初
獻再拜訖次詣每室并別廟酌獻並如上儀太官今復
詣僖祖室酌尊所讀冊舉冊官俱降復位初獻降階復
位立次引亞獻詣盥洗位北向立搢笏盥手悅手執笏

詣爵洗位向北立搢笏洗爵拭爵以授執事者執笏升殿詣僖祖室酌尊所西向立執事者以爵授亞獻亞獻搢笏跪執爵執尊者舉罍太官令酌壺尊之盥齊訖先詣翼祖室酌尊所北向立亞獻以爵授執事者執笏興入詣僖祖室神位前北向立搢笏跪執事者以爵授亞獻亞獻執爵祭酒三祭于茅菹奠爵執笏俛伏興出戶外北向再拜次詣每室并別廟酌獻並如上儀降復位初亞獻行禮將畢禮直官引終獻詣洗及升殿酌獻並如亞獻之儀降復位初獻終獻既升次引七祀及配饗功臣獻官詣盥洗位搢笏盥手悅手執笏詣神位前搢笏跪執爵三祭酒奠爵執笏俛伏興再拜詣次位並如上儀退復位

唯七祀先詣司命位奠爵訖興少立次引太祝進詣神位前北向跪讀祝文訖退復

再拜位獻官次引禮部尚書升殿徹運豆戶部兵部工部尚

書升殿徹俎各一俱少移故處俱降復位宮闈今以黍

稷肺祭藉用白茅束之禮直官曰賜胙贊者承傳曰賜

胙再拜在位官皆再拜祠祭官于殿上贊奉神主入祔

室次引薦香燈官搢笏奉帝神主入祔室為香燈官先

座納神主于匱執笏退復位次引宮闈令奉后神主入

祔室並如上儀退復位次引初獻禮部戶部工部兵部

尚書亞終獻讀冊官舉冊官就望瘞位有司詣室取幣

及束茅置于坎次引監察御史太常卿丞奉禮協律郎

太祝就望瘞位立定禮直官曰可瘞寘土半坎宮闈令

監視次引初獻以下詣東神門外揖位立禮直官贊禮

畢揖退訖次引七祀獻官詣南神門外七祀望燎位南

向立有司置祝版于燎柴焚訖退太官令帥其屬徹禮饌監察御史升殿監視收徹訖宮闈令闔戶以降乃退太常藏祝冊于匱

中興禮書第八十一卷

吉禮八十一

明堂儀注四

皇帝大饗明堂

結興三十一

齋戒

前祀十日質明有司設行事執事及陪祠文武官位于

尚書省左僕射在左刑部尚書在右並在北南向精明

堂行事亞獻終獻及景靈宮太廟三獻在南稍東北向

西上行事左僕射吏部戶部禮部兵部刑部工部尚書

吏部禮部刑部侍郎堂上分獻官押樂太常光祿卿押

樂太常光祿丞堂下分獻官七祀功臣獻官在其南稍

西北向東上凡設太常丞以下位皆稱却次執事官又于其南俱北

向西上監察御史位二在西東向北上讀冊舉冊官奉

禮協律郎搏黍太祝良醢太社太倉令在東西向北上

奉禮郎以下設陪祠文武百官及宗室位于行事官之

南東西相向北上御史臺閤門太常寺分引群官各就

位凡將引行事執事陪祠文武官立班即左僕射

讀誓于尚書省刑部尚書泣之誓文曰今年九月二日

皇帝宗祀於明堂前二日遣官朝獻景靈宮前一日遣

朝饗太廟各揚其職其或不恭國有常刑讀訖執事官

以下文官宣敕即以下餘官並對拜訖退皇帝散齋七

日于別殿致齋三日于文德殿凡散齋不弔喪問疾作

樂有司不奏刑殺文書致齋日前後殿不視事唯行祀

事

前致齋一日儀鸞司帥其屬鋪設御座于文德殿當中南向設東西房于御座之左右稍北又設西閣及齋室于殿後之左右隨地之宜殿上前楹施簾致齋之日贊明有司陳平輦于垂拱殿庭文武百官俱就次之各服其服以俟閣門奏請皇帝詣齋室宣贊舍人等分引知樞密院事以下詣垂拱殿庭立班以俟閣門附內侍進班齊牌垂拱殿簾降皇帝乘輦出至殿上少駐輦官迎駕自輦常起居宣輦官上殿簾卷鳴鞭行門禁衛諸班親從迎駕自贊常起居次舍人先贊入內內侍省官以下常起居次樞密以下通班常起居贊祇候引駕樞密知客省事以下至閣門官分左右立應奉官祇應通事大夫以下武功大夫以下並先退次管軍臣僚宣名常

起居贊祇候引駕並分左右前導輦降東階垂拱殿門

外禁衛諸班親從自贊常起居至文德殿後閣如步至

後閣降輦入西閣文德殿簾降前導官並就次易朝

服詣御榻前分左右侍立如樞密院事

事一員在西東向侍中一員在西知樞密院事以下在舊書樞密

院事之南稍宣贊舍人等分引行事執事陪祠文武官

各請結佩入詣文德殿庭立班禮直官舍人引禮部侍

郎奏請中嚴少頃又奏外辦皇帝服通天冠絳紗袍綰

結佩出西閣乘輿稱警蹕侍衛如常儀由西房至御榻

西降輿與皇帝即御座南向侍臣夾侍贊拜閣門官于御

榻前贊樞密以下拜殿之上下應在位官皆再拜閣門贊

拜北轉身北向隨拜次禮直官引侍中詣御座前俛伏

跪奏稱侍中臣某言請皇帝降座就齋室奏訖俛伏興

還侍立凡侍中奏請準此皇帝降座閣門官贊殿上樞密以下

並再拜贊拜閣門官并殿下立班官不拜皇帝乘輿由東房入齋室侍

臣各還本司直衛者如常儀宣贊舍人分引行事執事

陪祠文武官以次出三有親王樞密宗室起居閣聖休並如閣門儀應行事執

事陪祠官及從升者並散齋七日宿于正寢致齋三日

各宿于其次凡散齋治事如故唯不弔喪問疾作樂判

書刑殺文書決罰罪人及與穢惡致齋之日官給酒饌

其酒不齋室唯祀事得行其餘悉禁與祀之官已齋而闕者

通攝行事

奏告

前祀二日奏告徽宗皇帝如常告之儀

陳設

前祀三日儀鸞司設大次于明堂門外之東南向又設小次于明堂阼階之東稍南西向設文武侍臣次于明堂門之外行事執事陪祠宗室及有司次于明堂之外各隨地之宜設東方南方客使次于文官之後西方北方客使次之武官之後設饌幔于明堂門外稍南東向隨地之宜

前祀二日太社令帥其屬掃除明堂內外置燎壇于明堂庭之東南隅太社令積柴于燎壇光祿丞牽牲詣祠所太常設登歌之樂于堂上前楹間稍南北向設宮架于庭中立舞表于節綴之間

前祀一日太常設神位席太史設神位版昊天上帝位

于堂上北方南向徽宗皇帝位于堂上東方西向俱席
以莞皆莞設五方帝五人帝位于堂上青帝位于東

北南向赤帝位于東南北向黃帝位于昊天上帝位之
西南北向白帝位于西南東向黑帝位于西北南向帝
太昊氏神農氏有熊氏少昊高陽氏位各于五方帝之
左俱稍却席皆以莞設五官神位于東廡勾芒祝融后
土蓐收真冥位俱西向北上席皆以莞奉禮郎禮直官
設皇帝位版于阼階之上西向欽福位于昊天上帝之
西南北向望燎位于堂下燎壇之北南向贊者設亞終
獻位于堂下之阼階之東少南西向大禮使左僕射又
于其南行事吏部戶部禮部兵部刑部工部尚書吏部
禮部刑部侍郎堂上分獻官光祿卿讀冊舉冊官光祿

丞堂下分獻官位于大禮使左僕射之後

光祿
卿

執事

官位又于其後奉禮郎搏黍太祝太社太官令位于亞
獻之北少東俱西向北上監察御史位二并于堂下西
階之西東向北上協律郎位二一于堂上磬虞之北少
西一于宮架之西北俱東向押樂太常丞于登歌鐘虞
之北押樂太常卿位于宮架之北良醞令位于酌尊所
俱北向又設之陪祠文武官位于行事執事官之南東
西相向諸方客使在文臣之南隨其方國光祿陳牲于
明堂門外北向祝史各位于牲後太常設省牲位于牲
北大禮使左僕射在西東向北上分獻官位于其後行
事吏部戶部禮部兵部刑部工部尚書吏部禮部刑部
侍郎押樂太常寺卿光祿卿讀冊舉冊官押樂太常丞

光祿丞奉禮協律郎搏黍太祝太社太官令在東西向

北上

太常丞以下
位皆稍却

監察御史在吏部尚書之北異位稍

却太常陳禮饌于明堂門外稍東南向設省饌位版于
禮饌之南大禮使左僕射在南北向西上分獻官位于
其後監察御史位二在西東向北上吏部戶部禮部兵
刑部工部尚書吏部禮部刑部侍郎押樂太常卿光祿
卿讀冊舉冊官押樂太常丞光祿丞奉禮協律郎搏黍
太祝太社太官令在東西向北上太祝帥其屬設祝冊
案于神位之右司尊彝帥其屬設玉幣篚于酌尊所次
設籩豆簠簋之位正配位皆左二十有五籩其右二十
有五豆俱為四行俎三二在籩前一在豆前又俎六在
豆右為二重登一在籩豆前釂三皆有柶在登之前簠

簋各七在運豆外三俎間簋在左簋在右又設尊罍之

位著尊壺尊各二皆有罍加罍設而不酌並在堂上稍

南北向西上禮位設于正位酒尊之東每位玉爵一有坩又設從祀運豆簋

簋之位五方帝五人帝位皆左十有二運右十有二豆

俱為三行俎二在運豆前登一在運豆間槃一在登之

前簋二簋二在二俎間簋在左簋在右爵一在俎前有

坩又設酒尊之位每位太尊山尊各二皆加勺幕各在

夾廡俱北向西上青帝赤帝及配位于東夾廡黃帝白帝黑帝及配位于西夾廡又設

五官神位皆左十運右十豆俱為三行俎一在運豆前

登一在運豆間槃一在登之前簋二簋二在二俎間簋

在左簋在右爵一在二俎前皆有坩又設酒尊之位犧

象尊各二皆加勺罍在運前之左又設正配位運豆簋

盥架各一俎各三于饌慢內設御盤匱于阼階上進盤

匱悅巾內侍位于皇帝版位之後分左右奉盥者北白

右南又設亞終獻盥洗爵洗于其位之北盥洗在東盥

在洗東加勺篚在洗西南肆實以巾則若爵洗之匱分獻

官盥洗一于堂西階下壘勺篚中各設于左右執壘篚

者各位于其後祀日丑前五刻太社令與太史令各服

其服升堂設昊天上帝徽宗皇帝神位版于堂上又設

五方帝五人帝神位版于堂上隨其方位五官神位版

于東廡太府卿少府監帥其屬設陳玉幣于篚玉昊天

蒼璧青帝以青圭赤璋黃帝以黃琮白琥赤帝以赤琥白

神各隨其方位光祿卿帥其屬入實正配位蓮豆盥

盥蓮四行以右為上第一行次之案虎脯案鹿

[illegible]

前筭三行葵道次之第二行
梁在福前並實以葵棧在福前
羊腰臂豆前之祖實以棧在福前
樂實以毛血著尊實以之齊大尊實以明水五
位每以通三行以右為上第一行乾藤在前乾平形筭
魚鱗次之第二行虎以右為上第一行乾藤在前乾平形筭
在前笑與次之豆三行以右為上第一行乾藤在前乾平形筭
道葵道并道次之第三行以右為上第一行乾藤在前乾平形筭
三行脈拍在前鹿鳴醢醢次之靈實以稻梁福在前
筭實以葵棧在福前並實以葵棧在福前
前之祖實以葵棧在福前並實以葵棧在福前
血機尊一實以明水一實以葵棧在福前並實以葵棧在福前
衆身一實以明水一實以葵棧在福前並實以葵棧在福前

又設大禮使以下行事執事官揖位于明堂門外如省
牲位所司陳異實嘉瑞又宮架之南東西相向儀鸞司
設神位版幄又設冊幄于明堂南東門外並隨地之宜
省牲器

省牲之日未後二刻太社令帥其屬掃除明堂之內外

司尊彝通豆重蓋即府史及執事者以祭器入設于位凡設祭器皆指以席

人通豆重蓋太府卿少府監入陳玉幣于篚皆指以席未後

三刻禮直官贊者分引大禮使以下並服常服詣明堂

門外省牲位立定光祿卿丞與執事者牽牲就位禮直

官贊揖贊者引押樂太常卿入行樂架凡禮亞終獻行事皆禮直官太常

皆禮士引大禮使左僕射行事次引禮部尚書入升自西

階凡行事執事官升階自西階內應奉次引

左僕射申祗滌濯執事者皆舉冪曰潔俱復位禮直官

稍前曰告潔畢請省牲次引禮部尚書侍郎稍前省訖

退復位次引光祿卿出班巡牲一匝北向躬曰充曰備

次引光祿丞出班巡牲一匝北向躬曰臚俱復位禮直

官稍前曰省牲畢請就省饌位贊揖訖次引大北使以下

各就位立定禮直官贊揖所司省饌具畢禮直官贊省饌畢揖訖俱還齋所光祿卿丞及執事者以次牽牲詣厨授大官令次引禮部尚書詣厨自鼎鑊視濯漑次引刑部尚書詣厨實鑊水刑部侍郎增沃鑊水次引協律郎展視樂器乃還齋所晡後一刻太官令帥宰人以鶩刀割牲祝史各取毛血實于槃俱置饌所遂烹牲太社令帥其屬掃除堂之上下

奠玉幣

祀日丑前五刻行事用丑時刻諸與祀及陪祠之官各服其服太社令帥其屬入設神位席太史令帥其屬又設神位版太祝奠冊于案太府卿少府監入陳玉幣于篚光祿卿入實遵豆簋簋太常令入實俎良醢入實尊罍樂

正帥工人二舞以次入與執尊壘篚罍者各就位次御史臺閣門宣贊舍人太常寺分陪祠文武官及宗室客使各入就位次禮直官贊者分引大禮使以下行事執事詣明堂門外揖位立禮直官贊揖訖先引監察御史升堂按視堂之上下糾察不如儀者降階就位次引大禮使以下各入就位先引左僕射吏部尚書侍郎升堂各就位立皇帝自齋室服通天冠絳紗袍乘輿以出近侍及扈從之官導從至明堂門外稍西皇帝降輿步入大次簾降禮儀使樞密院官太常卿閣門官太常博士禮直官分立於大次外之左右引禮部侍郎詣大次前奏請中嚴少頃又奏外辦禮儀使當次前俛伏跪奏禮儀使臣某言請皇帝行事奏訖俛伏興還侍立

禮儀使奏禮畢

此准簾卷皇帝服袞冕以出侍衛如常儀禮儀使以下前

導至明堂門外殿中監跪進大圭禮儀使奏請執大圭

前導皇帝入自正門侍衛止于門外由宮架東升自阼階

大禮使從皇帝升階大禮使人數從左至版位西向立禮

儀使以下分左右侍立凡行禮皆禮儀使執板在右

前導立左禮儀使前奏有司謹具請行事樂備而不

作太社令升煙燔牲首禮儀使奏請再拜皇帝再拜贊

者曰再拜在位官皆再拜內侍取玉幣于篚立于尊所

內侍各執盤匱帨巾以進禮儀使奏請皇帝搢大圭盥

手內侍進盤匱沃水皇帝盥手又奏請帨手內侍進巾

皇帝帨手訖又奏請皇帝執大圭禮儀使前導殿中監

進鎮圭禮儀使奏請搢大圭執鎮圭前導皇帝詣昊天

上帝神位前北向立內侍先設繅藉于地禮儀使奏請
跪奠鎮圭于繅藉執大圭伉伏興又奏請搢大圭跪內
侍加玉于幣以授吏部尚書吏部尚書以授左僕射左
僕射西向跪以進禮儀使奏請受玉幣皇帝受奠訖吏
部侍郎東向跪受以興還置于篚左僕射吏部尚書侍
俱詣徽宗皇帝神位前以俟禮儀使奏請執大圭伉伏
興內侍舉鎮圭授殿中監又以繅藉詣徽宗皇帝神位
前先設繅藉于地禮儀使奏請再拜皇帝再拜訖禮儀
使前導皇帝詣徽宗室皇帝神位前奠鎮圭幣並如上
儀配位不奠玉皇帝東向受幣玉僕射吏部侍郎北向進幣吏部侍郎南向受幣左僕射吏部侍郎
退立于堂上稍西東向吏部尚書降復位禮儀使前導
皇帝還版位內侍舉鎮圭繅藉以鎮圭授殿中監以授

有司初皇帝將奠配帝之幣黃者引分獻官俱詣盥洗
位搢笏盥手悅手執笏各升詣五方帝五人帝五官神
從祀神位前搢笏跪奉禮郎以幣授分獻官分獻官受
幣奠之執笏俛伏興再拜訖俱復位內五方帝神位前奠玉幣祝史
奉毛血槃立于堂下升自西階太祝迎于堂上俱進奠
于神位前太祝退立於尊所

進熟

祀日有司陳鼎六于神厨各在鑊右太官令帥進饌者
詣厨以匕畢升牛于鑊實于一鼎肩膊肱肱肱正脊一
一炷膏一代膏次升羊如牛升豕如羊各實于一鼎每
一皆二膏以並皆設扃幕祝史對衆陳于饌幔內重行北向北
牛一羊一豕一上太常實蓮豆簋簋于饌幔內運實以形養豆實以粉

次引禮部侍郎詣饌所視腥熟節俟皇帝升奠玉幣

訖復位引禮部尚書詣饌所執遵豆簋簠以入戶部兵

部工部尚書詣饌所奉俎以入戶部奉牛兵部奉羊舉鼎官

舉鼎太官令引入正門由宮架東至橫街折方進行陳

于西階下北向北上祝史抽扃委于鼎右除羣初鼎序

入有司執匕畢及俎以從至西階下各設俎于鼎北匕

畢升牛載于一俎肩膊膊在上端肱胫在次升羊及豕

各于一俎其載如牛每位一牛鼎先退祝史進徹毛血

槃以次出引禮部尚書搯笏執遵豆簋戶部兵部工部

尚書搯笏奉俎以升執事者各迎于堂上禮部尚書奉

遵豆簋簠詣吳天上帝神位前北向跪奠啟蓋于下執

笏俛伏興有司設遵于稌餌前豆于醢食前簋于稻前

置于黍前次引戶部兵部工部尚書奉俎詣昊天上帝
神位前北向跪奠先薦牛次羊次豕各執笏俛伏興有
司設于豆右腸胃膚之前皆牛在左羊在右豕在中次詣徽宗皇帝
神位前東向跪奠並如上儀俱降復位太祝取菹擣于
醢祭于豆間三又取黍稷肺祭如初皆藉以茅退還尊
所次引左僕射吏部侍郎詣昊天上帝神位前立左僕
射西向吏部侍郎東向又引吏部侍郎升堂詣昊天上
帝酌尊所跪取玉爵于玷請皇帝版位前奉爵北向立
內侍各執盤匱悅中以進禮儀使奏請皇帝指大圭盥
手內侍進盤匱沃水皇帝盥手又奏請悅手內侍進巾
皇帝悅手訖奏請皇帝洗爵吏部侍郎進爵內侍沃水
皇帝洗爵奏請拭爵內侍進巾皇帝拭爵訖又奏請執

大主吏部侍郎受爵奉爵詣昊天上帝酌尊所西向立
執尊者舉爵良醢令酌著尊之醴齊訖先詣徽宗皇帝
酌尊所北向立禮儀使前導皇帝詣昊天上帝神位前
北向立禮儀使奏請措大主跪吏部侍郎以爵授左僕
射西向跪以進禮儀使奏請執爵皇帝執爵三祭酒于
茅苴奠爵吏部侍郎以爵復于坵禮儀使奏請執大主
俛伏興又奏請皇帝少立左僕射吏部侍郎先詣徽宗
皇帝神位前北向立俟舉冊官措笏跪舉祝冊讀冊官
措笏東向跪讀冊文訖奠冊各執笏興先詣徽宗皇帝
神位前南向立禮儀使奏請再拜皇帝再拜訖禮儀使
前導皇帝詣徽宗皇帝神位前酌獻並如上儀配位皇帝
東向左僕射北向讀冊文左僕射以下俱復位禮儀使前

導皇帝還版位至版位西向立禮儀使奏請皇帝還小
次前導皇帝降自阼階將至小次禮儀使奏請釋大圭
殿中監跪受大圭入小次簾降禮直官太常博士引亞
獻詣盥洗位北向立搢笏盥手悅手執笏詣爵洗位北
向立搢笏洗爵拭爵以爵授執事者執笏升堂詣昊天
上帝的尊所西向立執事者以爵授亞獻亞獻搢笏跪
執爵執尊者舉罍太官令酌壺尊之盞齋訖先詣徽宗
皇帝酌尊所北向立亞獻以爵授執事者執笏興詣昊
天上帝神位前北向搢笏跪執事者以爵授亞獻執三
爵祭酒于茅苴奠爵執笏悅伏興少退北向再拜次詣
徽宗皇帝神位前東向酌獻並如上儀降復位初亞獻
將畢禮直官太常博士引終獻詣盥洗及升堂酌獻並

如亞獻之儀訖降復位初亞獻將升次引分獻官俱詣
盥洗位搯笏盥手悅手執笏各升詣從祀神位前搯笏
跪執爵三祭酒于地奠爵執笏悅伏興再拜訖各復位
初皇帝既奠玉帶有司以牛左臂一骨及長脅短脅俱
二骨以並載于胙俎升設于堂上酌尊所俟終獻既升
獻次引戶部尚書太祝太官令升詣飲福位東向立奉
俎豆及爵者各立于其後禮儀使奏請詣飲福位簾卷
圭前導皇帝升自阼階詣飲福位北向立尚醢奉御執
尊所良醢令酌上尊福酒合置一尊尚醢奉御奉尊詣
飲福位殿中監奉爵尚醢奉御酌酒殿中監奉爵西向
立禮儀使奏請再拜皇帝再拜殿中監跪以爵酒進禮

使儀奏請櫓大圭跪受爵祭酒

三祭于地

啐酒奠爵殿中監

受爵以興太祝帥執事者持胙俎進減正配位前正脊

二骨橫脊二骨加于俎上內侍授俎以授戶部尚書戶

部尚書西向跪以進皇帝受俎奠之戶部尚書乃受以

興降復位太官令取黍于簋搏以授太祝太祝授以豆

東向跪以進皇帝受豆奠之太祝乃受以興降復位次

殿中監再拜以爵酒進禮儀使奉請再爵飲福酒奠爵

殿中監受虛爵興以授尚醢奉御執事者俱降復位禮

儀使奏請執大圭俛伏興又奉請再拜皇帝再拜禮儀

使前導皇帝還版位西向立次引禮部尚書升堂徹籩

豆戶部兵部工部尚書升堂徹俎

各進豆及牛羊豕各一俱少移故處卒

徹禮部戶部兵部工部尚書降復位禮直官曰賜胙行

事陪祠官拜贊者承傳曰賜胙再拜在位官皆再拜

望燎

禮儀使奏請詣望燎位前導皇帝詣望燎位降自阼階至位南向立初賜胙再拜訖太社令以黍稷肺祭藉以白茅束之吏部侍郎帥太祝執篚進詣神位前取幣祝冊藉以茅執事者以俎載牲體黍稷飯爵酒降自西階南行詣燎壇自南陞升以幣祝冊牲體饌物置於燎柴祝史又以從祀諸位幣帛從燎禮直官曰可燎東西各以炬燎半柴禮儀使奏禮畢前導皇帝還大次出明堂門外禮儀使奏請釋大圭殿中監跪受大圭以授有司侍衛如常儀皇帝至大次禮部郎中奏解嚴次引大禮使以下詣明堂門外揖位立禮直官贊禮畢揖訖退皇

帝自大次常服乘輦還內如來儀次引陪祠文武官及
宗室客使以次出就次以俟詣殿庭立班宣赦

如儀

中興禮書第八十二卷

吉禮八十二

明堂儀注五

明堂儀注

終興初制度革創儀注不一至漢昭六年九

二十一年以飲宗廟制樂舞依物並如郊祀之禮始興
臣攝事皇帝唯親行大享之禮所設神位孟儀注具別

卷
皇帝大饗明堂

齋戒

前祀十日質明有司設行事執事及陪祠文武官位于

尚書省左丞相刑部尚書在北南向左丞相在左刑部

尚書在右刑部尚書行事左丞相在南吏部戶部禮部兵

部刑部工部尚書吏部禮部刑部侍郎押樂太常卿光

祿卿押樂太常丞光祿丞功臣獻官在其南凡設太常

却次分獻官次執事官又在其南俱北向西上監察御

史位四在西東向北上讀冊舉冊官奉禮協律郎搏黍

太祝太社太官令在東西向北上奉禮郎以下皆設却設陪祠

文武百官位于行事官之南東西相向北上又設行事

執事及陪祠親王宗室位于太廟齋坊右丞相刑部侍

郎在北南向右丞相在左刑部侍郎在右刑部侍郎亞獻

終獻在南北向西上親王及行事執事陪祠宗室在東

西向北上御史臺閣門太常寺自下分引群官各就位

凡將引行事執事陪祠文武官立班即禮直官贊揖訖

左丞相讀誓文于尚書省刑部尚書泣之誓文曰今年

九月十六日有事于明堂前二日朝獻景靈宮前一日

朝饗太廟各揚其職其或不恭國有常刑讀訖內執事官奉禮事

神以下文武宣教即以下
武官從長郎以下先退

餘官並對拜訖退右丞相讀

誓文于太廟齋坊刑部侍郎泣之誓文曰今年九月十

六日有事于明堂前二日朝獻景靈宮前一日朝饗太

廟各揚其職肅奉常儀讀訖並對拜訖退皇帝散齋七

日於別殿致齋三日

一日于太廟一日于文德殿一日于文德殿

凡散齋不

弔喪問疾作樂有司不奏刑殺文書致齋日前後殿不

視事唯行祀事

致齋前一日儀鸞司鋪御榻于文德殿當中南向設東

西房於御榻之左右稍北又設西閣及齋室於殿後之

左右並隨地之宜殿上前楹施簾

致齋之日質明有司陳平輦于垂拱殿庭文武百官俱

就次各服其服以俟閣門奏請皇帝未後詣室齋宣贊

舍人等自下分引樞密院官以下詣垂拱殿庭立班以俟閣門附內侍進班齊牌垂拱殿簾降皇帝乘輦出至殿上少駐輦官迎駕自贊常起居宣輦官上殿簾卷鳴鞭行門禁衛諸班親從迎駕自贊常起居次舍人先贊知內侍省官以下常起居次樞密以下通班常起居贊祇候引駕樞密知客省事以下至簽書閣門官分左右立應奉官祇應通侍大夫以下武功大夫以下並先退次管軍臣僚宣名常起居贊祇候引駕並分左右前導輦降東階垂拱殿門外禁衛諸班親從自贊常起居次行宮使御營巡檢一班常起居如通侍大夫以下知客省內侍兩省帶御器械官充行至文德殿後閣如少至大監時降輦入西閣文德殿簾降前導官並就次易朝服

詣御榻前分左右侍立樞密院事在北上同知樞密院事在東面向侍中一員在知樞密院事之下北贊拜閣門官一員又在東面向其北並西向知樞密院事以下在審書樞密院事之南稍東向西北又在其南稍西宣贊舍人等分引皇太子行事執事陪祠文武官各結結佩入詣文德殿庭立班禮直官舍人引禮部侍郎奏請中嚴少頃又奏外辦符寶郎奉寶陳于御榻之左右皇帝服通天冠絳紗袍結結佩出西閣乘輿稱警蹕侍衛如常儀由西房至御榻西降輿皇帝即御座南向侍臣夾侍贊拜閣門官于榻前贊樞密以下拜殿之上下應在位官皆再拜閣門官贊拜隨拜跪面西次禮直官引侍中詣御座前俛伏跪奏稱贊各祇候侍中臣某言請皇帝降座就齋室奏訖俛伏興還侍位凡侍中奏皇帝降座閣門官贊殿上樞密以下並再拜請准此

贊開闕門并殿下立班官不拜皇帝乘輿由東房入齋室侍臣各還所

司直衛者如常儀宣贊舍人等分引皇太子行事執事陪祠文武官以次出皇太子行事執事陪祠文武官及從升者並散齋七日宿于正寢致齋三日各宿于其次凡散齋治事如故唯不吊喪問疾作樂判書刑殺文書決罰罪人及與穢惡致齋之日官給酒饌唯祀事得行其餘悉禁與祀之官已齋而闕者通攝行事

奏告

前祀二日奏告太祖皇帝太宗皇帝室如常告之儀

陳設

前祀三日儀鸞司設大次于垂拱殿門內東廊又設小次于明堂阼階下之東稍南西向設文武侍臣次于明

堂門之外行事執事陪祠宗室及有司次于明堂門外
各隨地之宜設東方南方客使次于文武官之後西方
北方客使次于武官之後設饌慢于明堂門外稍西南
向隨地之宜

前祀二日太社令帥其屬掃除明堂內外置燎壇于明
堂庭之東南隅太社令積柴于燎壇光祿牽生詣祠所
太常設登歌之樂于堂上前楹間稍南北向設宮架于
庭中立舞表于鄼綴之間

前祀一日太常設神位席太史設神位版昊天上帝位
皇地祇位于堂上北方南向西上太祖皇帝位太宗皇
帝位于堂上東方西向北上告潔果五方帝神州地祇
權綴大明夜明天皇大帝北極五行五官五嶽位二十有五

北斗天一太一帝座五帝內座五星十二辰河漢內官
五鎮四海四瀆二十八宿中官山林川澤外官丘陵墳
衍原隰位三百八十有二衆星位三百有六十並分設
于兩廊東西相向以北為上內南廊所設衆星重行
北向以西北為上輔設席
皆以莞奉禮郎禮直官設皇帝位版于阼階之上西向
欽福位于昊天上帝位之西南北向望燎位于殿隔門
上當中南向贊者設亞終獻位于堂下阼階之東少南
西向大禮使左丞相又于其南行事吏部戶部兵部刑
部工部尚書吏部禮部刑部侍郎光祿卿讀冊官光祿
丞位于大禮使左丞相之後光祿丞
稍却執事官位又於其
後奉禮郎搏黍太祝太社太官令位于亞獻之北少東
俱西向北上監察御史位四二于堂下西階之西東向

北上一于殿隔門外東階下一于殿隔門外西階下協
郎位二一于堂上磬虞之北少西一于宮架之西北俱
東向押樂太常丞位于登歌鍾虞之北押樂太常卿位
于宮架之北俱北向分獻官奉禮郎各立于從祀神位
之前俱北向良醞令于酌尊所北向又設陪祠文武官
位于行事執事官之南東西相向諸方客使在文官之
南隨其方國光祿丞陳牲於明堂門外東向隨地之宜
祝史各位於牲後太常設省神位于牲東大禮使左丞
相在北南向東上分獻官位于其後行事吏部戶部禮
部兵部刑工部尚書吏部禮部刑部侍郎押樂太常卿
光祿卿讀冊舉冊官押樂太常丞光祿丞奉禮協律郎
搏黍太祝太社太官令在南北向東上

太常丞以下監
位皆稍却

察御史在吏部尚書之東異位稍却光祿陳禮饌于行
禮殿隔門外稍東南向設省饌位版于其後監察御史
位四在西東向北上吏部戶部禮部兵部刑部工部尚
書吏部禮部刑部侍郎押樂太常卿光祿卿讀冊舉冊
官押樂太常丞光祿丞奉禮協律郎搏黍太祝太社太
官令在東西向北上禮部帥其屬設祝冊案於神位之
右司尊彝帥其屬設玉幣篚于酌尊所次設蓮豆簋簋
之位正配位皆左二十有五蓮右二十有五豆俱為四
行俎三二在蓮前一在豆前又俎六在豆右為二重登
一在蓮豆間鉶三皆有柶在登之前簋簋各七在蓮豆
外三俎間簋在左簋在右又設尊彝之位每位著尊壺
尊各二皆有彝加勺罍為酌尊太尊山尊犧尊象尊各

二皆有疊加罍設而不酌並在堂上稍南北向西上位配

設于正位通事之東每位玉爵一有站又設從祀諸神蓮豆簋簋之位五方

帝以下二十有五位皆在左十蓮右十豆俱為三行俎

二在蓮豆前登在一蓮豆間簋簋各二在二俎間簋在

左簋在右爵一在俎前有站內神州地祇五方

前其餘神位皆左二蓮右二豆俎一在蓮豆前簋簋各

一在俎前簋在左簋在右爵一次之登一在蓮豆間星

三百六十位皆不設登又設從祀尊站之位五方地神州地祇大

明夜明天皇大帝北極每位設太尊著尊各二于蓮前

之左又各于東西廊五行五官五嶽神位之前稍北共

設犧尊象尊各二又于東西廊帝座北斗以下神位之

前稍北共設犧尊象尊壹尊概尊各二又于東西廊東

鎮西鎮以下神位之前稍北共設山尊軒尊散尊各二

又于東西南廊衆星神位之前共設散尊二十有四又

設正配位蓮豆盞盞梨各一俎各三于饌慢內設御梨

匣于阼階上進盤匣悅中內侍位于皇帝版位之後分

左右奉盤者北向奉匣及執中者南向又設亞終獻盥洗爵洗于其位

之北盥洗在東爵洗在西要在洗東加勺篚在洗西南肆實以巾

則若爵洗之篚執要在篚者位于其後分獻官盥洗十二并

罍勺篚中分設于東西廊下執罍篚者各位于其後

祀日丑前五刻太社令與太史官屬各服其服升堂設

昊天上帝皇地祇太祖皇帝太宗皇帝神位版于堂上

又設五方帝神州地祇大明夜明天皇大帝北極五行

五官五嶽二十五位於兩朵殿太府卿少府監帥其屬

吳青圭赤帝以蒼壁皇地祇以黃琮白帝

以白璣黑帝以照瑤神州地祇以兩主有頤大明夜曜
以主壁五嶽以兩主有郊盛于臣昊天上帝配帝幣

州皆地以祇蒼日皇帝祗以各黃從五其方帝色神光祿卿帥其屬入實正

配位蓮豆簋簋二蓮行四醴行在以前右黃為白黑第一鹽行牀換胞餅魚在鱸前次第

之第三行乾柔在前濕柔在後
又次之第四行菱在前笑桌在後
虎脯菱笑桌鹿脯又次之

臨四昌行本以康為上第一行酌食在前第二行莊蒺在前
 臨四昌行本以康為上第一行酌食在前第二行莊蒺在前

前在羸前醢免胛醢析深虞蒲大醢蛤醢蟻醢胙雁柏醢魚荀醢又魚次醢之又第四次之行薑片

賞以花梁梁在福前簋賞以泰模模在太官令跽其屬

入資且道前之組為二重以北為上第二重實以牛腰

脊次之脊在中第二重實以牛腰七體其數如牛豆前

之祖實以豕腥七體其羞如羊豆右之俎六為二重以

三
次
之
腸
三
胃
三
又
次
之
一
實
以
羊
膈
腸
胃
肺
其
載
如
牛
一
實
以
及
膈
皮
九
橫
載
第
二
重
一
實
以
羊
膈
腸
胃
肺

一貫以象熟膚其載如脰皆牛在左羊在中豕在右配

東位即為上良醞令帥其屬入賓尊罍若醴尊二一實先之酒壺
齊一實元酒一實益齊立終獻實綬之太尊二一實
沈齊一實設而不酌凡五之一實各視其尊又實從祀神位
清酒並設而酌凡五之一實各視其尊又實從祀神位
之饌一行乾葛以下二十壺形鹽魚鱸三行之第二行鹿脯第
在前林實乾桃次之第三行蘗在前三行蘗次之第二行
以左為第一行芹蘗在前三行蘗次之第三行蘗次之第二行
行韭蘗在前魚醢先醢次之第三行蘗次之第三行
臨次之蘗實以柏梁梁在前三行蘗次之第三行
運前之大羹爵實以羊脰臂一豆前之祖實以黍稷稷在
實以大羹爵實以羊脰臂一豆前之祖實以黍稷稷在
鹿脯次之右二豕菁蘗在前三行蘗次之第三行
以黍祖實以羊脰臂一豆前之祖實以黍稷稷在
地祫五官五又實從祀神位之尊大尊實以禮齊
從又實盤以毛血又實從祀神位之尊大尊實以禮齊
壺尊實以沈齊各以一尊實明水概尊山尊卦尊供實
以清酒散尊實以昔酒各以一尊實明水概尊山尊卦尊供
貴明太常設祝于神位前又設大禮使以下行事執事
水官揖位于明堂門外如省牲位儀鸞司設神位版幄又

設冊帳于明堂門外並隨地之宜

車駕自太廟詣文德殿

前祀一日皇帝于太廟朝饗畢既還大次禮部郎中奏解嚴皇帝入齋殿所司轉仗衛鹵簿陪祠文武官先赴麗正門外導駕官以下就次各服其服有司進與於齋殿乘黃令進玉輅前西向參知政事一員位于侍中之前贊者二人位又于前其少頃御史臺閤門太常寺分引侍中參知政事太僕卿乘黃令詣大次門外立班北向東上乘黃令位其後次引導駕官以下在其後分東西相向立以俟奉迎前導次管軍臣僚又在其後禮直官宣贊舍人引禮部侍郎奏請中嚴凡侍中參知政事禮部侍郎奏請皆禮直官宣贊舍人引少頃又奏外辦皇帝服通天冠絳紗袍自齋殿詣大

次行門禁街諸班親從等諸司人員以下各自贊常起

居次知客省事以下樞密都承旨以下知內侍省事以

下帶御器械官應奉祇應通侍大夫以下武功大夫以

下及辦幹庫務文臣一班常起居俟皇帝乘輿以出宣

贊舍人贊侍中以下常起居次導駕官常起居已起居者止奏

聖躬萬福次管軍臣僚並常起居該宣名者即宣名若得百先起居

更不起居皇帝乘輿以出稱警蹕侍衛如常儀太僕卿出詣

玉輅所攝衣而升正立執轡導駕官步導皇帝至廟門

外玉輅所侍中進當輿前俛伏跪奏侍中臣某言請皇

帝降輿升輅奏訖俛伏興退復位凡侍中奏請准此千牛將軍

前跪執轡乘黃令稍前進玉輅皇帝降輿升輅太僕卿

立授綏導駕官分左右步導參知政事進當輅前俛伏

跪奏參知政事臣某言請車駕進發奏訖俛伏興退復

位

凡參知政事奏請准此

車駕動稱警蹕侍中先詣侍臣上馬所

以俟參知政事及贊者夾侍以出千牛將軍夾轅而趨

車駕將至侍臣上馬所參知政事奏請車駕少駐勅侍

臣上馬侍中前承旨退稱曰制可參知政事傳制稱侍

臣上馬贊者承傳勅侍臣上馬諸侍衛之官各督其屬

左右翊駕在黃麾內符寶郎奉八寶前導殿中監後部

從導駕官夾侍於前

皇太子于駕前

方圓于內贊者在侍中參知

政事之前侍臣上馬畢參知政事奏請車駕進發車駕

動稱警蹕不鳴鼓吹法駕鹵簿前導車駕將至麗正門

御史臺問門分引陪祠文武官宗室客使禮直官贊者

引行事執事官俱詣麗正門外立班再拜奉迎訖退

內有

已起居者止奏聖躬萬福車駕及門少駐皇太子并文武侍臣皆下

馬導駕官步導入門車駕動千牛將軍夾輅而趨入麗
正門內至南宮門外回輅南向千牛將軍立于輅右侍
中奏請皇帝降輅乘輿有司進輿于輅後皇帝降輅乘
輿入文德齋殿侍衛如常儀導駕官步導至殿門皇帝
降輿歸殿後閣簾降宣贊舍人承旨勅羣官各還次學
士院以祝冊授通進司進御書訖降付尚書禮部

省牲器

省牲之日未後二刻太社令帥其屬掃除明堂之內外
司尊彝帥府史及執事者以祭器入設于位凡設祭器皆以居
通豆凡太府卿少府監入陳玉幣于篚皆潔畢未後三
加中蓋刻禮直官贊者分引大禮使以下並服常服詣明堂門

外省牲位立定光祿卿丞與執事者牽牲就位禮直官

贊揖贊者引押樂太常卿入行樂架凡亞終獻行事皆禮直官太常博士

引大禮使左丞樞密行事皆禮直官次引禮部尚書入升自西階

祗滌濯凡行事執事官升各隨應奉階升降次引左

丞相申祗滌濯執事者皆舉罍曰潔俱復位禮直官稍

前曰告潔畢請省牲次引禮部尚書侍郎稍前省牲訖

退復位次引光祿卿出班巡牲一匝東向躬曰充曰備

次引光祿丞出班巡牲一匝東向躬曰膾俱復位禮直

官稍前曰省牲畢請就省饌位贊揖訖引大禮使以下

詣省饌畢揖位立定禮直官贊揖有司省饌具畢禮直

官贊省饌畢揖訖俱還齋所光祿卿丞及執事者以次

牽牲詣厨授太官令次引禮部尚書詣厨省鼎鑊視濯

溉次引刑部尚書詣厨實饌水刑部侍郎增沃饌水次
引協律郎展視樂器及還齋所晡後一刻太令帥宰人
以驚刀割牲祝史各取毛血實於槃俱置饌所遂烹牲
太社令帥其屬掃除堂之上下

奠玉幣

祀日丑前五刻

行事用時刻

丑諸與祀及陪祠之官各服其

服太社令帥其屬入設神位席太史令帥其屬入設神
位版禮部帥其屬奠冊於案太府卿少府監入陳玉幣
於篚光祿卿入實籩豆簠簋太官令入實俎良醢令入
實尊罍樂正帥工人二舞以次入與執尊罍篚罍者各
就位次引分獻官執事官各立於從祀神位之前俱北
向次御史臺閣門宣贊舍人太常寺分引陪祠文武官

及宗室客使各入就位次禮直官贊者分引大禮使以下行事執事官詣明堂門外揖位立禮直官贊揖訖先引監察御史升堂按視堂之上下糾察不如儀者降階就位次引大禮使以下各入就位皇帝自齋室服通天冠絳紗袍乘輿以出近侍及扈從之官導從至垂拱殿門內大次皇帝降輿入大次簾降禮儀使樞密院官太常卿閤門官太常博士禮直官分立於大次外之左右次引禮部侍郎詣大次前奏請中嚴少頃又奏外辦符寶郎奉寶陳于宮架之側隨地之宜禮儀使當次前俛伏跪奏禮儀使臣某言請皇帝行事奏訖俛伏興還侍立禮畢准此簾卷皇帝服衮冕以出侍衛如常儀禮儀使以下前導至明堂殿四放班門殿中監跪進大圭禮

儀使奏請執大圭前導皇帝入門侍衛不應入協律郎

跪俛伏舉麾興工鼓祝宮架儀安之樂作皇帝升階行

樂之由西廊降階自宮架前至阼階下偃麾憂歌樂止樂凡

祝而後即跪俛伏舉麾興工鼓升自阼階大禮使從升皇

大禮使從官量人數從升登歌樂作至版位西向立樂止禮

儀使以下分左右侍立凡行禮皆禮儀使提舉禮直官太

安之樂右文化俗之舞樂作三成止先引左丞相吏部

書侍郎升堂詣昊天上帝神位前立左丞相吏部尚書

俱西向北上吏部侍郎東向樂作六成止太社令升煙

燔牲首禮儀使奏請再拜皇帝再拜贊者曰再拜在位

官皆再拜內侍取玉幣於篚立于尊所內侍各執盤匱

悅中以進宮架樂作禮儀使奏請皇帝搢大圭盥手內侍進盤匱沃水皇帝盥手又奏請悅手內侍進巾皇帝悅手訖又奏請皇帝執大圭樂止禮儀使前導登歌鎮安之樂作殿中監跪進鎮圭禮儀使奏請搢大圭執鎮圭前導皇帝詣昊天上帝神位前北向立內侍先設縹藉於地禮儀使奏請跪奠鎮圭於縹藉執大圭俛伏興又奏請搢大圭跪內侍加玉于幣以授吏部尚書吏部尚書以授左丞相左丞相西向跪以進禮儀使奏請受玉幣皇帝受奠訖吏部侍郎東向跪受以興還置于篚左丞相吏部尚書侍郎俱詣皇地祇神位前以俟禮儀使奏請執大圭悅伏興內侍舉鎮圭授殿監內侍又以縹藉詣皇地祇神位前先設縹藉於地禮儀使奏請再

拜皇帝再拜訖樂止禮儀使導皇帝詣皇地祇太祖皇

帝太宗皇帝神位前奠鎮圭玉幣並如上儀皇地祇太祖皇帝位

樂太祖皇帝位作廣安之樂太宗皇帝位作北安之樂

配位唯不奠玉皇帝東向受幣左丞相北向進幣吏部

向受幣而左丞相吏部侍郎權于堂上稍西東向立吏部

尚書降復位禮儀使前導皇帝還版位登歌樂作至位

西向立樂止內侍舉鎮圭繅藉以鎮圭授殿中監以授

有司初皇帝將奠配帝之幣贊者引分獻官俱詣盥洗

位措笏盥手悅手執笏各升詣五方帝神州地祇以下

從祀神位前各措笏跪奉禮即以幣授分獻官五歲以上奉禮

即奉幣餘從祀分獻官受幣奠之執笏俛伏興再拜訖

執事者奉幣俱退位復內五方帝神州地祇大祝史奉毛血槃立

於堂下升自西階太祝迎于堂上俱進奠於神位前太

祝祝史退立於奠所

進熟

祀日有司陳鼎十二於神州厨各在鑊右太官令帥進

饌者詣厨以七畢升牛於鑊實於一鼎脊肩胛肱腕正

脊短脊代脊各次升羊如牛升豕如羊各實於一鼎每

一皆二骨以並皆設扁幕祝史對舉陳於饌幔內重行南向西

上太常實籩豆簋簋於饌幔內籩實以粉養豆實以稌

次引禮部侍郎詣饌所視腥熟之節俟皇帝升奠玉幣

訖復位樂止引禮部尚書詣饌所執籩豆簋簋以入戶

部兵部工部尚書詣饌所奉俎以入戶部奉牛兵部奉豕

鼎官舉鼎太官令引入正門官架饌安之樂作由官架

東折方進行陳於西階下北向北上祝史抽扁委于鼎

右除冪初鼎序入有司執匕畢及俎以從至西階下各

設俎于鼎北匕畢加於鼎太官令以匕畢升牛載於一

俎有臂膊在左端肱在右端脊在中次升羊及豕各於一俎其載如

牛每位一牛鼎先退祝史進徽毛血饗以次出引禮部

尚書摯筭執籩豆簋簋戶部兵部工部尚書摯筭奉俎

以升執事者各迎于堂上禮部尚書奉籩豆簋簋詣昊

天上帝神位前北向跪奠啟蓋於下訖執筭俛伏興有

司設遽於糗餌前豆於醢食前簋於稻前簋於黍前次

引戶部兵部工部尚書奉俎詣昊天上帝神位前北向

跪奠先薦牛次薦羊次薦豕各執筭俛伏興有司設于

豆右腸胃膚之前皆牛在左羊在右次詣皇地祇太祖皇帝

太宗皇帝神位前配位並跪奠並如上儀樂止俱降復

位太祝取菹摶于醢祭于豆間三又取黍稷肺祭如初
皆藉以茅返還尊所次引左丞相吏部侍郎升詣昊天
上帝神位前立左丞相西向吏部郎東向又引吏部
侍郎升詣昊天上帝酌尊所跪取玉爵於玷詣皇帝版
位前奉爵北向立內侍各執盤匱悅手以進宮架樂作
禮儀使奏請皇帝指大圭盥手內侍進盤匱沃水皇帝
盥手又奏請悅巾內侍進巾皇帝悅手訖奏請皇帝洗
爵吏部侍郎進爵內侍沃水皇帝洗爵奏請拭爵內侍
進巾皇帝拭爵訖樂止又奏請執大圭吏部侍郎受爵
奉爵詣昊天上帝酌尊所西向立執尊者舉罍良醞令
酌著尊之醴齊訖先詣皇地祇酌尊所北向立禮儀使
前導登歌慶安之樂作皇帝詣昊天上帝神位前北向

立禮儀使奏請搢大圭跪吏部侍郎以爵授左丞相西
向跪以進禮儀使奏請執爵皇帝執爵祭酒三祭於茅
苴奠爵吏部侍郎以爵復於坫禮儀使奏請執大圭俛
伏興又奏請皇帝少立樂止左丞相吏部侍郎先詣皇
地祇神位前西向立以俟舉冊官搢笏跪舉讀冊官搢
笏東向跪讀冊文訖奠冊各執笏興先詣皇地祇神位
前東向立禮儀使奏請再拜皇帝再拜訖禮儀使前導
皇帝詣皇地祇太祖皇帝太宗皇帝神位前酌獻並如
上儀皇地祇作光安之樂其配太祖皇帝作彭安之樂太宗
皇帝作肅安之樂
北向進爵讀冊文左丞相以下俱復位禮儀使前導皇帝
還版位登歌樂作至版位西向立樂止禮儀使奏請皇
帝還小次登歌樂作前導皇帝降自阼階樂止宮架樂

作將至小次禮儀使奏請釋大主殿中監跪受大主入
小次簾降樂止文舞退武舞進宮架穆安之樂作舞者
立定樂止禮直官太常博引亞獻為皇太子詣盥洗爵拭
爵以爵授執事者位北向立搢圭盥手執圭詣爵
洗位北向立搢圭洗爵拭爵以爵授執事者執圭升詣
昊天上帝酌尊所西向立宮架作穆安之樂威功睿德
之舞執事者以爵授亞獻亞獻搢圭跪執爵執尊者舉
冪太官令酌壺尊之盞齊訖先詣皇地祇酌尊所北向
立亞獻以爵授執事者執圭興詣昊天上帝神位前北
向搢圭跪執事者以爵授亞獻亞獻執爵三祭酒于茅
苴奠爵執圭悅伏興少退北向再拜次詣皇地祇太祖
皇帝太宗皇帝神位前酌獻並如上儀樂止降復位初

亞獻行禮將軍禮直官太常博士引終獻詣盥洗及升堂酌獻並如亞獻之儀訖降復位初亞獻將升次引分獻官俱詣盥洗位搢笏盥手悅手執笏各升詣從祀神位前搢笏跪執爵三祭酒于地奠爵執笏俛伏興再拜訖各復位初皇帝既奠玉幣有司以牛左臂一骨及長脅短脅俱二骨以並載于胙俎升設于堂上酌尊所俟終獻既升獻次引戶部尚書博泰太祝太官令升詣飲福位東向立奉俎豆及爵酒者各立於其後禮儀使奏請皇帝詣飲福位簾卷前導皇帝出小次宮架樂作殿中監跪進大圭禮儀使奏請執大圭前導皇帝至阼階下樂止升自阼階登歌樂作將至飲福位樂止登歌胙安之樂作皇帝至飲福位北向立尚醢奉執尊詣酌尊

所醑良令酌上尊福酒合置一尊尚醑奉御奉尊詣飲
福位殿中監奉爵尚醑奉御酌酒殿中監西向捧以立
禮儀使奏請再拜皇帝再拜殿中監跪以爵酒進禮儀
使奏請搢大圭跪受爵祭酒三卒酒奠爵殿中監跪
受爵以興太祝帥執事者持胙俎進減正配位前正脊
二骨橫脊二骨加於俎上內侍授俎以授戶部尚書戶
部尚書西向跪以進皇帝受俎奠之戶部尚書乃受以
興降復位太官令取黍于簋搏以受太祝太祝受以豆
東向跪以進皇帝受豆奠之太祝乃受以興降復位次
殿中監再跪以爵酒進禮儀使奏請再受爵飲酒福奠
爵殿中監受虛爵興以授尚醑奉御執事者俱降復位
禮儀使奏請執大圭俛伏興又奏請再拜皇帝再拜樂

止禮儀使前導皇帝還版位登歌樂作至版位西向立
樂止次引禮部尚書升堂徹豆戶部兵部工部尚書
升堂徹樂俎通豆及牛羊豕鹿雁各一俱少移改處登歌歆安之樂作卒徹
樂止禮部戶部兵部工部尚書降復位禮直官曰賜胙
行事陪祠官拜贊者承傳曰賜胙再拜在位官皆再拜
送神宮架誠安之樂作一成止

望燎

誠安之樂畢禮儀使奏請詣望燎位前導皇帝詣望燎
位登歌樂作降阼階至堂下樂止宮架樂作至位南向
立樂止初賜胙再拜訖太社令以黍稷肺祭藉以白茅
束之吏部侍郎帥太祝執篚進詣神位前取幣祝冊藉
大明夜明五五官以上執事者以俎載牲體黍稷飯爵

酒各降其階南行詣燎壇自南陞升以幣祝冊牲體饌
物置於燎柴祝史又以諸位幣帛從燎禮直官曰可燎
東西各以炬燎半柴禮儀使奏請禮畢前導皇帝入西
偏門由西廊還大次宮架憇安之樂作出明堂殿西放
班門禮儀使奏請釋大圭殿中監跪受大圭以授有司
侍衛如常儀皇帝至大次樂止禮部郎中奏請解嚴前
導官並退次引大禮使以下詣明堂門外揖位立禮直
官贊禮畢揖訖退次引陪祠文武官及宗室以次出將
士不得輒離部伍